

ELA-K GASTEIZEN EGIN ZUEN MOBILIZAZIOA ETA UGT-CCOO-K IRUÑEAN ETA BILBON

Europako langileek enplegua eta politika soziala eskatu dute

CES konfederazioak deituta, Europa osoko milaka langile mobilizatu ziren atzo Europako Batasuneko erakundeei enplegua eta politika soziala eskatzeko. Euskal Herrian, ohi bezala, sindikatuek bereizita bildu zituzten euren militanteak.

J. Aiarza / Bilbo
L.K. Garcia / Gasteiz
A. Unanue / Iruñea

EUROPAKO 28 estatutako 58 sindikatuk osatzen dute CES (Europako Sindikatuen Konfederazioa), 53 milioi langile ordezkatuz. Estatuetako agintariak Europaren eraikuntza prozesuan, moneta eta ekonomi politikarekin batera, enpleguari eta politika sozialari ere kasu egiteko exijitu dute CESen bildutako erakundeek.

Mobilizazioak Europako ia hiriburu guztietan izan ziren, Frantzia izan ezik, hauteskundeetan baitaude. Hego Euskal Herrian ELAk Gasteizen bildu zituen bere jarraitzaileak, eta CCOO-UGT Bilbon eta Iruñean. Frantziako CFDT sindikatuko Akitaniako idazkaria, Manolo Alkaiaga euskalduna, Santi Bengoa eta Josu Fraderekin izan zen Bilboko ekitaldian.

Manifestazioak bukatzean, sindikatuotako buruzagiek idazki bat eman zieten agintari politikoei —ELAkoak Gasteizko Legebiltzarrean eta CCOO-UGTkoak Madrildo Gobernuaren ordezkaritzan—, agintari horiek Europako estatuburu eta gobernuburuei hurrengo goi bilkuran helarazteko. Bilkura hori ekainaren 16an eta 17an izango da, Amsterdamen.

Idazki horretan, CESen mezuak Maastricht-eko Itunean enplegua aintzat hartzeko eskatzen du, hau da, Europako Enplegu Batzorde berriak Ekonomi eta Finantza Batzordeak adinako boterea izan dezala.

Era berean, Jacques Delors Europako Batzordeko aurreko presidentek Enpleguari buruzko Liburu Zurian jarritako helburuak —Europako langabezia tasa erdira jaistea— eta eskubide sozialen ezagutza Itunean sartzea nahi dute langile europarren ordezkariek.

Alkaiagak, Bengoak eta Fradek bere egin zituzten aldarrikapenok Bilboko Plaza Barrian egin dako kontzentrazioan. Buruzagi horiek ez zuten aukera galdu ELAren jarrera kritikatzeko, hark CESek bidalitako batasun mezuari jaramonik egin ez eta mobilizazioak bere kabuz antolatzea erabaki duelako.

Lanik gabe Europarik ez • ELAk ehundaka ordezkarik bildu zituen Gasteizen *Lanik gabe, Europarik ez* leloarekin antolatutako jardunaldi erreibindikati-boan. Foru Plazan bildu ziren, eta Jose Miguel Leunda lehendakariak eta Jose Elorrieta idazkari nagusiak eman ordu erdiko mitinaren ondoren abiatu zen de-



Langileei dagozkien eskubideen transferentzia egiteko garaia heldu denean «Estatutuaren garapena eten» egin dela ohartarazi zuten ELAkoek Gasteizen egin mobilizazioan.

OLALDE

legatuen manifestaldia. ELAko buruek Maastrichteko Europaren «eredu merkantilistari» heldu zioten egungo egoera deskribatzeko. «Europak sinesgarritasun krisia dauka langileen artean», esan zuen Leundak ekitaldi hasieran.

Elorrietak irakurketa politikoa egin zuen azkenaldiko gertakizunen inguruan. PPK eta EAJk hitzartutako Kontzertu Ekonomikoa ona dela onartu zuen, «baina baliteke kontzertu ekonomiko asko eta Estatutu gutxi izatera heltzea». ELAko buruaren iduriko, «Estatutuaren garapena gelditu da guri tokatu behar zitzaigunean».

Europarren kohesioa arriskuan

• Iruñean, UGT eta CCOO sindikatuek manifestazioa egin zuten Zaragoza etorbidetik Espainiako Gobernuko Ordezkaritzara. Han manifestu bat utzi zuten Madrildo Gobernuari helarazteko. Idatzian, Europa ekonomikoa eta Europa soziala eraikitze prozesuak parekatu egin behar direla azpimarratu zuten sindikatuek, aldarrikapen sozialak alde batera utziz gero europarren kohesioa arrisku larrian egongo omen delako. «Europarlan hoge milioi langabetu ditugu, eta ezin ditugu ahan-tzi. Europa dagoeneko ez da garai bateko ongizate irla hura. Gauza asko gaizki daude, eta nabarmen hobetu behar dira», azaldu zuen Miguel Angel Anzizar, Nafarroako UGTko idazkari nagusiak. X



UGTk eta CCOOk atzo, Europako Enpleguaren Aldeko Egunean, Bilbon egin manifestaldia.

TXEMA FERNANDEZ / EFE

laburrean

■ Irunen langile bat hil da lan istripuan A-8 autobidean

A-8 autobidean Irunen (Gipuzkoa) lanean ari zen I.M.G. 60 urteko langilea hil zen atzo, kamioi batek harrapatuta. Lan istripua goizean jazo zen, 11:30etan, Ertzaintzak jakinarazi duenez. Kamioi gidariaren izena ez dute jakiterik izan oraindik, eta kamioia Iveco markakoa zela besterik ez da zabaldu. X

■ Eusko Jaurlaritzak jasoko du hil honetan CCOOren 'labela'

GAUR goizeko 11:00etan emango diote CCOOko kideek Eusko Jaurlaritzari, Lehendakaritza Sailari bereziki, *Enplegu eta lan kalitate kas-karreko labela*. «Iruzur egiten du Jaurlaritzak, lan iraunkor-rrak egiteko behin-behineko kontratuak egiten dituelako maiz», azpimarratu dute CCOOko kideek. Uneotan behin-behineko kontratua duten ehun langileri ez die kontratua berrituko Eusko Jaur-laritzak. Jaurlaritzak egiten dituen kontratu asko eta asko legez kanpokoak direla salatu du CCOOk, eta hori frogatzen duten hamabost sententzia inguru badaudela gogorarazi du sindikatuak. X

■ BBKren beka Somorrostroko lanbide ikastegiko ikasleentzat

BBK-K eta Somorrostroko lanbide ikastegiak lankidetzat hitzarmena sinatu dute. Hitzarmenaren arabera, kutzak 20 beka emango dizkie ikas-keak bukatzen dituzten ikas-leei, zentroarekin ituna duten Ibar Ezkerreko 250 enpre-setan praktikak egiteko. Beste 10 beka atzerriko enpre-setan jarduteko izango dira, Euro-pako Socrates programaren barruan. Era berean, BBK-k interesik gabeko maileguak emango dizkie zentroko ikas-leei autoenplegua bultzatzeko. Somorrostrokoa EAEko lanbide heziketako ikastegi nagusia da, eta 5.000 ikas-letik gora ditu. X

■ BBVk jaitsi egin ditu interes tasak

BBV banketxeak jaitsi egin du bezero bereziei ematen dien maileguen prezioa, hau da, interes tasa. Zehazki oinarri-zko 25 puntu jaitsi ditu, eta, beraz, uneotan interes tasa hori % 7,75ean dago. Hala-ber, ohiko maileguen (hipo-tekarioak eta kontsumo mai-leguak) interesa apladu egin du. Gogoratu behar da orain diruaren prezio ofiziala % 5,25ekoa dela. BBV ban-keko ikerketa zerbitzuek adierazi dutenez, Espainiako inflazio prebisioek eragin dute interes tasen jaitziera. Izan ere, urte amaiera aldera infla-zioa % 1,4koa izango dela us-te dute BBV banketxe-ko iker-tzaileek. X